



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De quibusdam confeßoribus, & tribus martyribus, & Petro monacho, &
Asclepio, martyribus. Cap. XX.

urn:nbn:de:hbz:466:1-29861

sit. Forū item & plateæ, nulla pluviæ gutta ex aere decidente, nescio vnde, quoque modo, aqua aspersa maduerunt, sic ut illico rumor per omnium ora volitaret, terrā utpote rerum id temporis gestarum scelus & impietatem non ferentem, inexplicabili quadam ratione lachrymarum vim ex se fundere, & lapides naturāq; inanimam nefaria ea facinora deflere, quō hominum naturam tam ferream, tam immitem, tamque ab omni affectione vacuam, iusta reprehensione coargueret. Verūm nugae & fabulæ (prope dixerim) hæc quidem oratio posteritati fortasse videbitur: non tamen his, qui eo ipso tempore præsentes, de rei veritate satis persuasi fuerunt.

De quibusdam confessoribus, & tribus martyribus, & Petro monacho, & Asclepio, martyribus.

CAP. XX.

Decimo quarto die mensis Apellæ proxime in sequentis, hoc est ad decimum nonum Calend. Ianuarii, quidam pii viri ex Aegypto profecti (in Ciliaciam namque iter suscepérant, ut confessores, qui ibi versabantur sua curatione subleuarent Cæsareæ) ab his qui diligenter homines ad portas ciuitatis accedentes perscrutantur, capti sunt. Ex quibus alii eandem cum illis, quibus erant inseruiti, sententiam & condemnationem subierunt: ut oculi nempe & pedes cruciati illis labefactarentur. Tres autem illorum Ascaloni, ubi capti erant, admirabilem fortitudinis vim in fidei suæ confessione ostendentes, variis martyrii generibus defuncti sunt. Nam unus illorum in rogum coniectus fuit: cui nomen Ares: reliquis duobus qui Promus & Elias appellabantur, capita amputata. Undecimo die mensis Audinæ, id est, ad tertium Idus Ianuarii, Petrus, qui & Apse-lanus dicebatur ἀσκητής id est religiosus vel monachus, vitam solitariam & meditationi dedita secutus, ex pago Anea in finibus Eleutheropolis sita prognatus, cum iudex & qui ei aderant in consilio, sapissime eū orassent, ut sui ipsius miseretur, suæque adolescentiæ & ætati florenti parceret, eorum hortationibus penitus neglectis, & spe quæ in Deo omnipotenti collocasset cù aliis rebus omni-

*Probus
al.*

EVSEBII HISTORIAE

omnibus tum vitæ ipsius longe prælata, Cæsareæ per ignem, velut aurum purissimum, fidem in Christum Dei generoso & excelsò animo accurate probauit. Cū isto vna Aesculapius episcopus, vt videbatur, erroris Marcio nitarū, zelo pietatis, vt ille putabat, sed non illius quæ est secundum scientiam, uno & eodem rogo combutus, exiit è vita. Verùm hæc haçtenus.

De duodecim martyribus, qui cum Pamphilo martyrium appetuerunt.

CAP. XXI.

Tempus iam eo me vocat, vt illustre quasi theatrum martyrum, qui cum Pamphilo (cūsus nomen mihi semper optatissimum fuit) mortem appetuerunt, in hoc sermone ante oculos cuiusq; ad intuendum prop̄nam. Duodecim quidem erant, & non modo quodam propheticō dono, aut potius Apostolico, sed apostolorum etiam numero dignati: quorum Coryphæus & princeps solus Pamphilus, presbyterii dignitate Cæsareæ ornatus, extitit: vir totu[m] ritæ cursu omni virtutum genere eximius: abiectione & contemptu seculi insignis: facultatum in pauperes largitione magnificus: spei, quæ in cadiuis mundi rebus defigi solet, despiciens mirus: ratione viuendi & cōsuetudine vero philosopho digna singularis: quinetiam ardenti diuini eloquii & sacrarum literarum studio, præter cæteros nostræ memorie homines egregius: attentissima & prope inexhausta in eas res industria & assiduitate, quas apud animum proposuerat, præstabilis, & in cognatis, omnibusq; propinquis iuuandis perliberalis: Cætera virtutis eius officia, & reæ facta, quoniam longiore explicatione eguerunt, in separato & proprio volumine, de eius vita perscripto, inque tres libros disperito, iam pridem pluribus verbis tradidimus. Eos ergo, qui acrillius ritæ & virtutum in ea eluentium plenius cognoscendarum cupiditate incenduntur, eò amandamus: nos autem illis solum in præsentia insistemus, quæ ad martyres cum eo ad supplicium adductos pertinent. Secundus post Pamphilum

in cer-